

*Divins l' RABULÈTS - Deuzyinme anêye di sorvicaedje - 2001 - Volume II – à l' pådje 80 on vs avêve doné nosse rimoudaedje dèl "BASSE" da L'Mârtène. Li rvola ribetchté pa L. Mahin.*



## Li basse

Pôves nozôtes, essaetchîs fén lon pàs ahessaedjes  
El nute ki n' finixh mây, - mây nos n' âréns rivnou -,  
Nos fâre i tofer, âd dilong d' nosse vicaedje,  
Rtûzer âs djoûs pierdous ?

Wai, l' basse, l' anêye a schipe a yeu fwait l' tou do  
cir,  
Ki mi, asto des waches ki tant rvey ele voleut,  
Louke, vo m' ricial mierseu, ashîd disso l' plate pire  
La wice k' ele s' ashîdeut.

Ti boerléves sifwaitmint disso les spessès rotches,  
E-n on sfwait wachotmint, ti les spiývîves e schetes  
On parey vint stîchîve ti blanke schoume dins les  
potches  
Et l' î stinde pa nuketes.

Èt sovénss co k' ene shijhe, nos estén-st a navyî ?  
Gn av' nou brut a-z etinde, ni dso l' aiwe, ni dins l'  
cir  
Leye et mi, peurs efants, nos dmorén-st a sondjî,  
A çki nos rcrindéns l' pire.

Tot d'ene trake, onk so l' ôte, ses paroles ont tcheyou  
Et ndaler rabressî tes rives et tes cresteas,  
Tot s' meta-st a schoûter; adon, on l' a-st oyou  
Dire douçmint èç rimea:

"Vos, l' tins, djokez vos don ! Et vos, les moumints  
d' âjhe  
Arestez d' rider foû !  
Leyoz nos, ene hapêye, lu et mi, féns binâjhes,  
Profiter d' nos beas djoûs.

I gn a des misbridjîs assez ki somadjèt.  
Rôlez, coroz po zels,  
Epoirtez tos les cis k' après l' moirt eraedjèt,  
Nén les cis k' s' inmèt fel.

Voess bén ! dji piede mi tins a dmander ene rawete,  
Les eures si fotnut d' mi,  
Dji di al nute "dimore !" mins dji voe pa l' bawete  
Ki l' nuteye a fini.

Ça fwait ki dj' di: betchans, ahessans, et s' boutans !  
Hay, ardans, profitans !  
Paski l' djin n'a nou poirt, eyet l' tins n' a nou banc.  
Pont d' rischape ! Nos passans."

Djalot tins, 't i possibe ki les moumints d' bouneur  
Ewou çki nosse plaijhi nos berceye dins ses waches,  
S' evolénxhe ossi rade ki les cis ki l' maleur  
Tafwaitmint nos rabaxhe ?

Cwè ? Gn a-t i nou moyén d' endè wârdèr 'ne  
noejhete ?

Cwè ! Evoye po todi ? Cwè ! Po todi pierdous ?  
El tins ki nos ls a dné, el tins ki nos les schete,  
Nos a leyî strindous.

Ti, noer trô do Neyant, ki dmorrè sk' a todi,  
Cwè frèss co d' tos les djoûs ki tofer ti nos scrotés ?  
Dji t' câze: èn nos pôreuss rinde on djoû les plaijhis,  
Ki t' nos hape e-n erote ?

Ti, basse ! Moyalès pires ! Tizôtes, trôs ! Vos, noers  
bwès !  
Vozôtes ki l' tins rispâgne, u minme fwait radjonni  
Wârdez don di c' nute ci - wârdez lu Bén â rcwè -  
Wârdez è l' bon sovni.

K' i dmore dins t' pâjhirté, k' i dmore dins tes  
oraedjes,

Ti, basse, eyet dins les bouxhnisses di tes gripetes,  
Et dins tes deurs cayôs et dins tes vetes coxhlaedjes;  
K' il î dmore a perpete.

K' i dmore divins l' zûvion ki frumjheye et ki rpassé,  
Et dvins les bruts d' tes waches disso les crawieus  
stos,

Dins les stoeles ki par nute ti rwaitnut - gn a des  
masses -,  
K' i dmore on côp po tot.

Ki l' sint-bon di ti airaedje, - nodeur ki ravigote -,  
Ki l' foyaedje ki triyane, li plouve ki fait s' mestî,  
Ki tot çk'on-z ôt, k'on voet, k'on-z etind et ki gote,  
Tot deye : "Ké vey-voltî !"

\*

Èt nos dimèroz todi Bén contint d'nosse ovaedje ☺

\*\*\*\*\*

**A môde di rén, on comache dispû d'pus d' 408 pådjes ! Faléve-t-i l' fé ?**